

PENGUMUMAN

PERKUISIT / MANFAAT BERUPA BARANGAN YANG DIKECUALIKAN CUKAI

Lanjutan kepada Tambahan Kedua Kepada Ketetapan Umum No. 1/2006 (Perkuisit Daripada Penggajian) yang dikeluarkan pada 25 Februari 2009 dan Tambahan Ketiga Kepada Ketetapan Umum No. 2/2004 (Manfaat Berupa Barangan) yang dikeluarkan pada 17 April 2009, majikan yang **tidak mengambil kira dengan tepat** perkuisit / manfaat berupa barangan **yang dikecualikan cukai** semasa penyediaan Borang EA tahun berakhir 31 Disember 2008 dinasihatkan agar mengeluarkan surat pengesahan kepada pekerja masing-masing. Ini bagi membolehkan pekerja terlibat melaporkan pendapatan yang sepatutnya dalam Borang Nyata Tahun Taksiran 2008.

Bagaimanapun, bagi pekerja yang sudah mengemukakan Borang Nyata (B, BE dan M) Tahun Taksiran 2008 tetapi **tidak mengambil kira dengan tepat** perkuisit / manfaat berupa barangan yang dikecualikan cukai, rayuan boleh dibuat ke cawangan Lembaga Hasil Dalam Negeri Malaysia yang mengendalikan fail cukai pendapatan mereka. Rayuan perlu disertakan dengan surat pengesahan daripada majikan.

Dikeluarkan oleh : Jabatan Operasi Cukai
Lembaga Hasil Dalam Negeri Malaysia

Tarikh : 28 April 2009